

խին, ուրուսաստիւ, նշաչք, աղջիկ էր անցնում, եւ իր յոնքերի կամարների վրայ հորիզոնը պարում էր: Չտեսնուած լճերի ափին, լուսնի լոյսով, դիւղացիները գոյնդգոյն ըզդեատներ հագած, բախտաւոր եւ ուրախ, ձեռք ձեքի տուած, դարձպար էին դառնում: Եւ մըշուշների միջից տեսիլքները, աժան, շուկայի մէջ ծախուող դիմակներով, բիշ բիշ նայում էին Բուխարայի վառ մետաքսներով շրջապատուած:

— Գնացի աշխատելու, ասում է Ս-ն, բան դուրս չեկաւ: Կոնդի կատարին, ժամերով նըստեցի, չեմ հասկանում... չի լինում էլի...

Պատմում եմ:

— Մի օր, սիրելի բարեկամ, Ֆիօրենցիայից Ասիդի տանող ճանապարհի վրայ, ես տեսայ չքնաղ մի Մաղօննա: Նրան նկարել էր անյայտ մի նկարիչ, փոքրիկ մատուռի դրան վերը՝ երիտասարդ եւ գեղեցիկ, թաւշեայ մեծ աչքերով, նազելի եւ բախտաւոր, որպէսզի յոգնած անցորդը տեսիլքի առջեւ դմայի եւ ուրախ աղօթքով, դալար դաշտերը եզրող ճանապարհը շարունակի:

Գեղեցիկ էր Մաղօննան: Նրա կամարածեւ յոնքերից, նրա խորաթափանց աչքերից, դէմքի կանոնաւոր դժերից, լոյս էր իջնում եւ հին դիմու նման ամբողջ էութիւնս վառում:

Եւ որովհետեւ բախտաւոր տեսիլքները ապրում են մեզ հետ, մեր էութեան անբաժանելի մասը կաղմկելով, նրանք փոփոխութեան են ենթարկուած մեր հոգու հետ եւ մեր տեսողութեան առջեւ նորանոր ձեւեր առնում:

Այդպէս է, որ անցեալ օր, ես նրան տեսայ Մարտարապատի մօտ, նոր շինուող որբերի դիւղը տանող ճանապարհի վրայ կանգնած:

— Բա՛ն ասացիր...

— Թո՛ղ տուէք: Կրօնական սառնատան ներքնուղիները խոր են եւ լայն: Անդունդը դոց է, ճանապարհը անյայտ: Եթէ ուղես անցնել, Միջերկրական առասպելը աւազ կը տարածի առջեւդ: Կը գնաս մի՛նակ, ու աւազի մէջ բարդ ծովերի խուլ կանչը կը լսես:

Եթէ հասնես լեռներին, կը հանդիպիս երկաթէ եօթ դուռներին, կիսաբաց: Մտի՛ր, եւ Կոյսը այնտեղ կանգնած է:

Մաղօննան — դա փաստ է — որոշել է գեղածիժազ բլուրները թողնել: Պարզապէս յոգ-

նել է միշտ նոյն դաշտանկարի առջեւ, նոյն դերը խաղալ:

Մի օր, հեռուից, փղոսկրէ սրնգի ձայներ են լսում: Բլուրի կատարին հորիզոնը սկսում է շարժուել եւ տարօրինակ գոյների խաղը ծածկում է երկինքը: Բուստի հսկայ կտորներ, դմբուխտի ճառագայթներ, սատափ եւ ամետիստ սրայթում են օդի մէջ՝ անկարելի եւ հմայիչ ճարտարապետական ձեւեր առնելով: Ամէն ինչ երգում է եւ Մաղօննան ճանապարհ է ընկնում: Աջ կողմից, Ասիդին եւ Պերուջեան թաւալում են լայնատարած դաշտի մէջ, իսկ ձախ կողմից՝ Ֆիօրենցիան, հսկայ դանդաղատան նման սկսում է ղողանջել:

Ո՞վ կարող է ասել, թէ ի՞նչ միջոցների է դիմում հոգին տարածութիւնները անցնելու համար: Հովերը կանանչ անտառների նման խարշափում են, լեռները կապոյտ ձեռքերով ամպեր են ամբարում եւ նաւերի վրայ Մմերիկան դրկում է Եւրոպան եւ ականջին պողպատէ առասպել սլատմում:

Շատ հաւանական է, որ Մաղօննան ճամբորդած լինի Տարանտոյից մեկնող ուղևորական ճերմակ նաւերից մէկի մէջ: Կապոյտ ծովի վրայ սպիտակ նաւ ու առաջի կարգի սենեակի մէջ, Մաղօննան նստած մանիկիւրի էր ենթարկում իր եղունգները:

Կապիտանը պտտում էր նրա շուրջը եւ ճաշի ժամանակ պատույ տեղ տալիս: Երկրորդ սպան գիշերը ման էր գալիս անհանդիստ, յուզուած եւ սիրահար: Նաւաստիները պատճառ էին փնտռում նրա սենեակի առջեւից այցնելու համար: Գիշերը, նաւը տարօրինակ կերպով լուսաւորուած էր: Ռադիօ հեռագրի պաշտօնեան, ապշած, աշխարհի չորս կողմից հըմայիչ երաժշտութիւններ էր լսում: Յունական կղզիները ծովի վրայ լողում էին, վարդագոյն բոցերի մէջ վառուած:

Պիրէոն չհասած, առաջի կապիտանը իրեն ծովը նետեց: Մի քիչ յետոյ, երկրորդ սպան, Բրաւունիւնգի հարուածով իր ուղեղը օդը հանեց: Դարդանելից 144 մղոն հեռաւորութեան վրայ, քիչ նաւաստի էին մնացել, խոհարարը խմել էր բոլոր կօկոտչիւնները եւ երկար դանակները ձեռքին, կատաղած, կայմերն էր կտըրտում:

Սակայն, նաւը առաջանում էր անդեկ: